

Мұхим саналар тақвими

1. 10 апрель – буюк ўзбек ёзувчи-романисти, драматург, публицист Абдулла Қодирий (1894-1938) таваллуд топған кунининг 125 йиллигига

Batafsil



Абдулла Қодирий (1894-1938)

Улкан истеъдод эгаси Абдулла Қодирий 1894 йили 10 апрелда Тошкентда боғбон оиласида туғилади. У дастлаб мусулмон мактабида, кейин рус-тузем мактаби ҳамда Абулқосим шайх мадрасасида таълим олади; Москвадаги адабиёт курсида ўқиёди. 1917 йилги октябрь ойидаги давлат тўнтаришидан сўнг Эски шаҳар озиқа қўмитасининг саркотиби, "Озиқ ишлари" газетасининг муҳаррири, касабалар шўросининг саркотиби, "Муштум" журнали ташкилотчиларидан бири сифатида ижтимоий ҳаётга фаол аралашади.

Унинг асарлари вақтли матбуотда Жулқунбой, Жу-бой, Думбулбой, Думбулниса, Калвак Махзум, Тошпўлат тажанг, Овсан каби ўнлаб маҳфий имзолар билан босилиб туради.

Абдулла Қодирий 1914 йили Раҳбарниса Расулмуҳаммадбой қизига уйланади. Улардан Назифа (1916), Ҳабибулла (1918), Адиба (1924), Масъуд (1928) ҳамда Аниса (1928) исмли фарзандлар дунёга келади.

Абдулла Қодирий ижодий фаолиятининг бошланиши 1910 йилларнинг ўрталарига тўғри келади. "Садои Туркистон" газтасининг 1914 йил 1 апрел сонида, "Тошкент хабарлари" устунида "Янги масжид ва мактаб" сарлавҳали хабар босилади. Орадан кўп ўтмай, унинг "Тўй", "Аҳволимиз", "Миллатимга бир қарор", "Фикр айлағил" каби шеърлари, "Бахтсиз күёв" драмаси, "Жувонбоз" ҳикояси чоп этилади.

Адид ижодининг бошланиш даври намуналари бўлган бу асарларда маърифатпарварлик руҳи, жадидона кайфият сезилади. Унинг 1916 йилда ёзган "Улоқда" ҳикояси билан дунё адабиётдаги назарий мезонларга мос келадиган ўзбек реалистик ҳикоячилигини бошлаб берди. 1923 йили "Гўзал ёзғичлар"да босилган "Жинлар базми" ҳикояси билан кейинги нусхалари таққосланганда адид ўз асарлари устида қайта-қайта ишлагани, унинг бадиияти ва ҳаётийлик жиҳатларига жиддий дикқат қилганлиги аён бўлади. Абдулла Қодирий ўз ижодий тақдирини матбуот билан боғлади. Юзлаб публицистик мақолалар, ҳажвий асарлар ёзди. "Калвак Махзумнинг хотира дафтаридан", "Тошпўлат тажанг нима дейдир?" каби ҳажвий асарлари билан адид кулгуси "характер кулгуси" дараражасига етди.

Ҳаётни кузатди – инсонийлик аъмолига номувоғиқ воқеаларга нисбатан турли йўсинда ҳажвий-танқидий муносабатларини билдириди. Шу жараёнда "фельетонлар қироли" номини олди. Ўз даврининг айрим адилари билан матбуотда баҳслашди. "Жасорат – айб эмас", "Шаллақи", "Ўжар кўр" номли мақолалари баҳслар натижаси ўлароқ майдонга келди. 1926 йилда "Муштум" журналида "Йиғинди гаплар" мақоласи босилади. Айнан шу мақоласидаги "юқори раҳбарларга тегадиган қалтис гаплари" учун, айрим муттаҳам ҳамкаслари оқибатида адид 1926 йили 8 март куни қамоққа олинади. "Абдулла Қодирий – Жулқунбойнинг 1926 йил 15-17 июнда бўлиб ўткан судда сўзлаган нутқи"да ўша мақоланинг моҳияти, сатирик жанр табиити, кулгининг типлари таҳлил қилиниб, ундаги мулоҳазалар "Овсан" тилидан фақат ишчи-дехқон манфаати кузатилиб айтилгани"га, "хукумат кишиларига бўлган гаплар, ўртоқлик ҳазили" эканига урғу берилади. Чакимчилар хусусида ёзади: "Аммо бир неча шахслар бу мақолани ўзларининг, билмадим, қандоғдир тарозуларига солиб, заарлар топишлари эрса ғаразгўйлик, тирноқ остидан кир излашдан бошқа нарса эмасдир". Адид ўз ижодини, ўзи ёзган фикрларни, ўзининг ҳақлигини жасорат билан исбот этади ва айтадики: "Мен тўғрилик орқасида бош кетса "эҳ" дейдирган йигит эмасман".

Навбатдаги йирик асарларидан бири, адид 1932-1934 йилларда замонавий мавзуда ёзган "Обид кетмон" қиссаси 1935 йили алоҳида китоб ҳолида нашр қилинади. Табиийки, адилнинг ҳажвчи, журналист, публицист ва таржимон сифатидаги фаолияти ҳам таҳsinga сазовордир.

Гарчанд адид оригинал асарлар ёзиб, ўз халқининг маънавияти ҳазинасини бебаҳо дурдоналар билан бойитаётган бўлса ҳам, мустабид тузум малайлари уни душманликда айблади. Абдулла Қодирий манглайига қатағон қурбонлари силкига тизилишдек бир қисмат битилган экан. Адид 1937 йил 31 декабрь куни ҳибсга олиниб, 1938 йил 4 октябрида халқ душмани сифатида қатл этилади.

Алоҳида таъкидлаш керакки, Абдулла Қодирий ёзган асарлар хусусида ўша даврнинг Вадуд Махмуд, Абдураҳмон Саъдий, Миёнбузрук Солиҳов каби мунаққидлари матбуотда турли йўсинда фикр билдиришди. Сотти Ҳусайнинг "Ўткан кунлар" романи танқидига бағишлиланган алоҳида китоби босилди. Ойбек эса "Абдулла Қодирийнинг ижодий йўли" номли маҳсус тадқиқот ёзди.

Абдулла Қодирий адабий мероси ўзидан кейинги ўзбек адилари ижоди учун маҳорат мактаби вазифасини ўтади. Қардош халқларнинг романнавислари адидни ўзларига устоз сифатида эътироф этишди. Ўзбек адабиётшунослигига Абдулла Қодирий ҳаёти ва ижодига оид И. Султон, М. Кўшжонов, У. Норматов, А. Алиев, И. Мирзаев, Ф. Насриддинов, С. Мирвалиев, Н. Каримов, Ш. Турдиев, А. Расулов, Х. Умурев, Х. Исматуллаев, С. Мелиев, Ш. Ризаев, А. Улуғов, М. Қаршибоев, Х. Лутфиддинова, И. Фаниев, А. Бобониёзов, С. Тўлаганова, А. Қаҳрамонов, Л. Тошмуҳаммедова ва бошқа турли авлодга мансуб олимларнинг китоблари, ўнлаб илмий мақолалари, маҳсус тадқиқотлари майдонга келди.

Адид авлодлари – Ҳ. Қодирий "Отам ҳақида", "Қодирийнинг сўнгги кунлари", Ш. Қодирий "37-хонадон" каби ўз ота-боболари тўғрисида қўмматли китоблар ёзишди. О. Ёкубов, П. Қодиров, Т. Малик, Ү. Ҳошимов, Х. Султон, Ҳ. Дўстмуҳаммад, Н. Боқий ва бошқа ўзбек адиларининг эътиборга молик адабий мақолалари, сұхбатлари, бадиий асарлари пайдо бўлди. Шунингдек, қодирийшунос сифатида Н. Тун, И. Балдауф, З. Клейнмихел, Э. Олворт, Х. Мурфи, Э. Наби, А. Мерхан каби хорижлик олимлар адид ижоди юзасидан тадқиқотлар олиб боришиди.

Хуллас, Абдулла Қодирий ҳаёти ва ижодини ўрганиш, адид ижодий меросидан, хусусан, "Ўткан кунлар" романидан баҳраманд бўлиш – бу доимо давом этадиган, авлодлар наздида янгиланиб турадиган соғинчли, айни дамда, ўтмишга айланмайдиган адабий ва абдий қадриятлар сирасига киради.

